



REPUBLIKA E SHQIPERISË
MINISTRIA E TURIZMIT DHE MJEDISIT
AGJENCIA KOMBËTARE E MJEDISIT
DREJTORIA E VLERËSIMIT TË MJEDISIT

Nr. 386 / Prot.

Tiranë, më 16 . 01 . 2019

Nr. Identifikimi 04

Vendimi 01

DEKLARATË MJEDISORE

Në mbështetje të Ligjit Nr. 12/2015 “Për disa ndryshime në ligjin nr. 10440, datë: 07.07.2011, “Për Vlerësimin e Ndikimit në Mjedis”, VKM Nr. 686, datë 29.7.2015 “Për miratimin e rregullave, të përgjegjësisë e të afateve për zhvillimin e procedurës së vlerësimit të ndikimit në mjedis dhe procedurës së transferimit të vendimit e deklaratës mjedisore” dhe me propozim të Agjencisë Kombëtare të Mjedisit, Ministri

VENDOSI:

Lëshimin e Deklaratës Mjedisore për **Zhvilluesin** me të dhënat si më poshtë:

Emri i Subjektit: “ALARUP” sh.p.k.
Nr. NIPT-i: L74701401P
Adresa e selisë: Lagjia “Xhevedet Nepravishta”, Bulevardi “Kongresi”, Godina nr. 123, Lushnje
Personi përgjegjës: Nexhmedin Musaj

Për të zhvilluar projektin: “**Minierë sipërfaqësore për shfrytëzimin e mineralit qymyrgur në objektin minerar ‘Miniera Alarup’**”

Aplikimi është bërë referuar Ligjit Nr. 10440, datë 7.7.2011 “Për Verësimin e Ndikimit në Mjedis”, Shtojca I, “Projektet që i nënshtrohen Procedurës së Thelluar të Vlerësimit të Ndikimit në Mjedis”, Pika 19. Gurore dhe miniera sipërfaqësore, ku sipërfaqja e vendit është mbi 0,5 hektarë, ose vende për nxjerrjen e torfës, ku sipërfaqja e vendit është mbi 1 hektar.

Vendndodhja: Njësia Administrative Çërrave, Bashkia Pogradec, qarku Korçë.

Sipërfaqja e minierës: 0.290 km²

Lloji Mineralit: qymyrgur

(Bashkangjitur vendimit, gjeni aneksin me hartën topografike dhe koordinatat metrike, ku tregohet vendodhja e objektit)

Bazuar në nenin 12, të ligjit nr. 10440, datë 7.7.2011, "Për vlerësimin e ndikimit në mjedis", i ndryshuar, i sugjerohet autoritetit planifikues:

Miratimi i lejes/licencës së zhvillimit të atij projekti, me kushtet që duhet të përmbushen nga zhvilluesi, për të parandaluar, minimizuar dhe menaxhuar ndikimet negative në mjedis;

Bazuar në pikën 2, të nenit 12, të ligjit nr. 10440, datë 7.7.2011, "Për vlerësimin e ndikimit në mjedis", të ndryshuar, më poshtë po listojmë:

1. Qëndrimin e Ministrisë dhe sipas rastit, kushtet që duhet të përmbushen nga zhvilluesi:

- **Drejtoria e Teknikës të Ministrisë shpreh:** Rekomandojmë mbajtjen parasysh të referencave ndaj ligjit të pyjeve dhe të dhënave kadastrale për pyjet dhe kullotat.
- Në raportin e thelluar të VNM-së subjekti nuk ka mbajtur parasysh të gjitha sugjerimet e bëra në fazën e njoftimit për çështjet që duhet të trajtonte në raportin e thelluar të VNM-së sa i takon menaxhimit të mbetjeve që do të gjenerohen gjatë zhvillimit të aktivitetit.
- Bazuar në nenin 12, pika 1 e ligjit nr. 10440 / 2011 "Për vlerësimin e ndikimit në mjedis" të ndryshuar, në rast se zgjidhni pikën "a" apo "b" të referencës ligjore së sipërcituar, në Deklaratën Mjedisore të vendosen kushte të detajuara përsa i përket mbrojtjes së biodiversitetit, menaxhimit të pyjeve, emetimeve në ajër, shkarkimeve të ujrave të ndotura, menaxhimit të mbetjeve, etj. të cilat duhet të përmbushen nga zhvilluesi, për të parandaluar, minimizuar dhe menaxhuar ndikimet negative në mjedis.

Agjencia Kombëtare e Zonave të Mbrojtura: Subjekti "Alarup" sh.p.k, ka aplikuar pranë jush për të zhvilluar aktivitetin "Shfrytëzim i mineralit qymyrguri në objektin mineral "Miniera Alarup". AKZM ju ka dhënë mendimin e saj në rrugë elektronike në datë 11. 12. 2018.

Mendimi ynë i cili ka qenë dakort për zhvillimin e këtij aktiviteti i është referuar raportit teknik dhe koordinatave dërguar në projektin e zbatimit në këtë datë, ku rezulton se sipërfaqja minerare e kërkuar është prej 29.6 ha, për zhvillimin e aktivitetit. Kjo sipërfaqe ndodhet në zonën e mbrojtur "Peizazhi i Mbrojtur Ujor-Tokesor Pogradec", shpallur me VKM-në nr.80, datë 18.02.1999, kategoria e V-të.

Sipas zonimit të brendshëm dhe planit të menaxhimit, kjo sipërfaqe ndodhet në zonën e zhvillimit të qëndrueshëm (ZZHQ) të peizazhit.

Në e-mail-in e datës 18.12.2018 dërguar nga ana juaj për dhënie mendimi për subjektin Alarup, konstatojmë se kërkohet mendimi për të gjithë zonën minerare me një sipërfaqe totale prej 4703 km². Nga verifikimi i bërë rezulton se kjo sipërfaqe shtrihet në Peizazhin e Mbrojtur Ujor-Tokësor të Pogradecit në zonë qendrore, të zhvillimit të qëndrueshëm dhe zone të përdorimit tradicional e gjithashtu zonë me prioritet turizmi.

Në dhënien e mendimit për sipërfaqen minerare prej 29,6 ha jemi shprehur pozitivisht pasi bëhej fjalë për një sipërfaqe relativisht të vogël dhe me një bimësi të degraduar dhe subjekti do të bënte rehabilitimin e zonës. Për sa i përket dhënies së mendimit për të gjithë zonën minerare AKZM është kundër shfrytëzimit të saj.

• 2. Informacion për procesin e realizuar të konsultimit me publikun:

Konsultimi me publikun: Morën pjesë përfaqësues nga komuniteti i zonës, përfaqësues nga Pushteti Vendor si dhe nga Drejtoria Rajonale e Mjedisit dhe përfaqësues nga studio mjedisore. Nuk pati ndonjë shqetësim nga komuniteti për zhvillimin e këtij aktiviteti. Në takim është

prezantuar projekti, janë dëgjuar sugjerimet e pjesëmarrësve, të cilat do të merren parasysh nga ana e investitorëve, gjatë kohës së shfrytëzimit. Nga ana e investitoreve iu sigurova të pranishmeve që do të merren të gjitha masat për eliminimin e ndikimeve negative në mjedis, duke mos cënuar jetën e banorëve.

3. Arsyet dhe konsideratat kryesore, ku është mbështetur mendimi;

Zhvillimi i aktivitetit është në përputhje me:

- Njoftimin Fitues nga MIE me Nr. 11813/3 prot., datë 17.10.2018 për zonën minerare Nr. 127, për objektin Alarup, Qarku Korçë.
- “Planin e veprimit për veprimtaritë minerare ndërtimore”, sipas Urdhërit të përbashkët Nr. 67, datë: 11.03.2018, të Ministrisë së Turizmit dhe Mjedisit dhe Ministrisë së Infrastrukturës dhe Energjisë.
- Mendimin e Agjencisë Kombëtare të Zonave të Mbrojtura (sipas email-it zyrtar, datë: 14.01.2019)

4. Përshkrimin, sipas rastit, të masave kryesore që duhen marrë për të shmangur, reduktuar e nëse është e mundur, për të korrigjuar efektet negative të rëndësishme:

4.1 Ky objekt të ndërtohet në përputhje të plotë me Planin e Përgjithshëm Vendor dhe Planin e Detajuar Vendor, të miratuar nga organet kompetente (KKT / Bashkia / Njësi Administrative) dhe akteve ligjore dhe nënligjore në fuqi bazuar dhe në Njoftimin Fitues nga MIE me Nr. 11813/3 prot., datë 17.10.2018 për zonën minerare Nr. 127, për objektin Alarup, Qarku Korçë.

4.2 Në rast se gjatë punimeve shfaqen elemente të tillë si: objekte kulti, gjurmë arkeologjike, burime ujore etj, subjekti të ndërpresë punimet dhe të lajmërojë urgjentisht organet kompetente.

4.3 Kjo deklaratë është e vlefshme vetëm për sipërfaqen 0.290 km²

4.4 Kjo deklaratë është e vlefshme pas miratimit nga MIE për Lejen e Shfrytëzimit.

4.5 Kjo Deklaratë është e vlefshme pasi subjekti të bëjë heqjen nga Fondi Pyjor, në rast se aktiviteti bie në një të tillë.

4.6 Bazuar në mendimin e AKZM, duke qenë se aktiviteti do të zhvillohet pranë “Peizazhi i Mbrojtur Ujor-Tokësor Pogradec”, shpallur me VKM-në nr.80, datë 18.02.1999, kategoria e V-të, të ruhet distanca e objektit 1 000 m larg kësaj zone, duke mos cënuar mjedisin përreth.

Gjatë fazës së instalimit:

4.7 Të vendoset sinjalistika paralajmëruese përgjatë gjithë segmentit të punimeve me qëllim shmangien e aksidenteve njerëzore

4.8 Të instalohet sistemi i eliminimit dhe kapjes së pluhurave, nëpërmjet sprucimit me ujë. (Ky sistem, të detajohet qartë me skica, planimetri etj në aplikimin për Leje Mjedisore)

4.9 Të kontrollohen kushtet teknike të mjeteve të punës në mënyrë periodike për të evituar, parandaluar rrjedhjet e lubrifikantëve e të hidrokarbureve në mjedis, emetimin e gazeve të shkaktuara nga avari teknike të mjeteve të subjektit.

4.10 Të respektohet distanca nga rruga, gjatë fazës së instalimit dhe kryerjes së punimeve, sipas legjislacionit në fuqi.

4.11 Përdorimi i pajisjeve, automjetet, që emetojnë nivele zhurmash brenda normave të lejuara të emetimit 60 – 100 db.

- 4.12 Subjekti të realizojë në mënyrë të menjëhershme çdo ndërhyrje teknike për të riparuar çdo fenomen negativ në mjedis si pasojë e veprimtarisë së tij.
- 4.13 Të sistemohen brenda sipërfaqes së shfrytëzimi të gjitha sterilet e gjeneruara nga shfrytëzimi i karrierës.
- 4.14 Në raste aksidentesh ose defektesh teknologjike që shkaktojnë ndotje të mjedisit, subjekti menjëherë duhet të jap informacion në DRM-në e qarkut përkatës dhe AKM, të cilat bëjnë të mundur njoftimin e popullatës që preket nga ky aksident.
- 4.15 Të mbillen pemë në të gjithë perimetrin e zonës për të minimizuar ndikimet në mjedis dhe përmirësuar pejsazhin.
- 4.16 Subjekti të kujdeset për menaxhimin e mbetjeve të krijuara gjatë fazës së instalimit, sidomos ato të ambalazhimit, duke i transportuar në mënyrë të rregullt në vend grumbullimit e caktura nga njësia vendore. Zotëruesit e mbetjeve inerte duhet të zbatojnë detyrimet që janë të përcaktuara në VKM nr.575, datë 24.06.2015 "Për miratimin e kërkesave për menaxhimin e mbetjeve inerte".
- 4.17 Përgjatë gjithë rrugës së brendshme të karrierës (përfshi transhetë), të hapet një kanal ujëmbledhës i orientuar drejt një grope dekantimi, për mbledhjen dhe disiplinimin e ujërave gjatë kohës së shfrytëzimit.
- 4.18 Të bëhet pastrimi i mjeteve të punës para daljes nga kantieri i ndërtimit për të mos shkaktuar ndotje në mjedis.
- 4.19 Subjekti të respektojë kushtet lidhur me mbrojtjen e biodiversitetit, menaxhimin e pyjeve, emetimet në ajër, shkarkimet e ujërave të ndotura, menaxhimin e mbetjeve etj.
- 4.20 Subjekti të respektojë dhe të mbajë parasysh kërkesat dhe kriteret e Ligjit Nr. 81/2017 "Për Zonat e Mbrojtura".
- 4.21 Kompania duhet të respektojë gjithashtu kushtet e vendosura në raportin e VNM-së të aplikuar si dhe Ligjin Nr. 10 431, datë 9.6.2011 "Për Mbrojtjen e Mjedisit".
- 4.22 Duke qënë se gjatë fazës së funksionimit, ky aktivitet do të ketë efekte në mjedis, në bazë të Ligjit nr. 60/2014 datë 19.6.2014, "Për një ndryshim në ligjin nr. 10448, datë 14.7.2011, "Për Lejet e Mjedisit", të ndryshuar, Shtojca I, duhet t'i nënshtrohet procedurave për paisje me Leje Mjedisore.

Në bazë të udhëzimit të MM dhe MF nr. 7938, datë 17.7.2014 "Për përcaktimin e tarifave dhe vlerave përkatëse për shërbimet që kryen Ministria e Mjedisit për procesin e VNM-së", ky subjekt ka kryer pagesën 50.000 lekë.

DREJTORI I PËRGJITHSHËM I AKM

EDISON KONOMI



**MINISTRI
BLENDI KLOSI**

Aneksi 1. Harta me koordinatat

Tabela 2 : Koordinatat e projektit

Nr. Pikave	Koordinatat	
	X	Y
1	45 27 520	44 81 427
2	45 27 690	44 82 205
3	45 27 931	44 82 163
4	45 27 898	44 82 437
5	45 27 802	44 82 514
6	45 27 673	44 82 266
7	45 27 422	44 81 960
8	45 27 023	44 81 284

Sipërfaqja=0.290 km²




Figura 1: Pamje satelitore e zones se projektit